

Dževad Rađo
Zastupnik SBB BiH

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Vlade Kantona Sarajevo

Sarajevo, 25.06.2018 godina

ZASTUPNIČKO PITANJE

Poštovani,

Želim iskazati ozbiljno nezadovoljstvo činjenicom da Vlada KS nije adekvatno reagovala na moju inicijativu i postavljeno pitanje vezano za donošenje Odluke o zaštiti izvorišta Sarajevsko Polje, u smislu stvarnog rješavanja problema.

S obzirom da smo Klub SBB i ja u više navrata postavljali pitanja i davali prijedloge vezanih sa osmom /8/ godinom nesposobnosti da se donese Odluka o zaštiti izvorišta Sarajevsko Polje, ali da nije bilo rezultata dana 24.04.2018. godine na 41. Radnoj sjednici Skupštine KS sam podnio inicijativu za formiranje komisije za detaljnu analizu stanja i dostavu podataka o proceduralnim i finansijskim aktivnostima na ovom projektu.

Nažalost nije bilo istinske i pozitivne reakcije iako se radi o najvažnijem pitanju za građane KS a i za vlasnike nekretnina na prostoru izvorišta. Ovakva nereagovanja svakako ostavljaju prostor za špekulacije o motivima kojim se u ovom momentu ne želim baviti.

S obzirom da duže vremena analiziramo aktivnosti na ovom projektu mislim da možemo svojim prijedlozima pomoći u kadrovskom profiliranju komisije sa članovima koji iskustveno dobro poznaju sve aktivnosti vezane za ovaj projekat.

Predlažem Skupštini KS da donese Zaključak kojim će podržati formiranje komisije, a da me zaduži da sačinim prijedlog sastava u skladu sa poslovníkom.

Nadam se da će svi zastupnici podržati ovaj prijedlog iz gore opisanih razloga.

Zastupnik SBB BiH
mr. Dževad Rađo